

Morning Regional Dogri News Bulletin, 01st April 2025

मार्निंग डोगरी न्यूज़ बुलेटिन, समें. 09-20 Hrs



Headlines

- केन्द्रीय गृहमंत्री अमित शाह होर सुरक्षा स्थिति दा जायजा लैने लेई अगले हफ्ते जम्मू कश्मीर दा दौरा लांगन।
- कठुआ जिले दे जंगलें च सुरक्षाबलें ते आतंकवादिएं बष्कार कल गोलीबारी होई, तपाषी अभियान जारी।
- मुख्यमंत्री उमर अब्दुल्ला होर अज्ज महिलाएं लेई मुफ्त बस सेवा गी शुरू करोआंगन।
- केन्द्रीय शिड़क यातायात मंत्री नितिन गडकरी होरें आखेआ जे इलैक्ट्रिक गडिडयां, वायु प्रदूषण दे खतरे गी घट्ट करने लेई सब्बने शा बेहतरीन विकल्प न।

Shah-JK Visit

केन्द्रीय गृहमंत्री अमित शाह होर अगले हफ्ते जम्मू कश्मीर दा दौरा लांगन। सूत्रें दस्सेआ ऐ जे अमित शाह होर मजूदा सुरक्षा स्थिति दी समीक्षा करने लेई उच्चि सतह आली सुरक्षा बैठक दी प्रधानता करगन। सुरक्षा बवस्था दा जायजा लैने दे कन्नो कन्नी शाह हुंदा अंतर्राष्ट्रीय बप्पे कन्ने लगदे अगेत्रे इलाकें दा दौरा लाने दा बी कार्यक्रम ऐ। एहदे अलावाहाल च कठुआ च होए दे टाकरे च शहीद पुलस कर्मिएं दे परेआर कन्नै मलाटी करने दी बी मेद ऐ। उआं गृहमंत्री हुंदे दौरे दी तरीक गी मुकदा रूप दित्ता जा'रदा ऐ, अगले इक दो ध्याडें च एहदी घोशण कीती जाने दी मेद ऐ। सूत्रें दस्सेआ जे शाह होर अपने दौरे दरान उपराज्यपाल मनोज सिन्हा हुंदे कन्नै मलाटी लांगन ते फौजी बलें दे आला अफसरें ते खुफिया अजेंसिएं जम्मू कश्मीर पुलस ते सिविल प्रशासन दे वरिष्ठ अधिकारिएं कन्नै बैछक लाइयै प्रदेश ते खास करियै जम्मू खित्ते दी सुरक्षा स्थिति दा जायजा लैने दी बी मेद ऐ।

Kathua Operation

कठुआ जिले दे घाटी ते बिलावर बष्कार पौंदे पंजतीर्थी इलाके च सुरक्षाबलें फरार त्रै आतंकवादिएं गी घेरी लैते दा ऐ। कल रातीं सुरक्षाबलें ते आतंकवादिएं बष्कार गोलीबारी बी होई। एह गोलीबारी तकरीबन 40 मिंटे तगर चली ते पही रूकी गई। तपाषी अभियान अज्ज बडलै परतियै शुरू होआ। अधिकारिएं दस्सेआ ऐ जे संदिग्ध आतंकवादिएं गी बिलावर आले जंगलें आली भेठा जंदे दिक्खेआ गेआ। एहदे थमां पैहले सुरक्षा बलें 5में दिन बी कठुआ जिले दे घाटी आले इलाके च व्यापक तपाषी अभियान चलाया हा। एह तपाषी अभियान सेना, एनएसजी, जम्मू कश्मीर पुलस, एसओजी ते नीम फौजी बलें आस्सेआ चलाया जा'रदा ऐ। सुरक्षाबलें 2 आतंकवादिएं दा मंगलवारें सफाया करी दित्ता हा ते बाकी राँहदे 3 आतंकवादिएं लेई तपाषी अभियान रंभेआ गेआ ऐ। टाकरे दरान 4 सुरक्षाकर्मी शहीद होए हे। जम्मू कश्मीर पुलस नै इस सरबंघे च इक परोआर दे 6 लोकें गी बी पुच्छ-गिच्छ लेई हिरासत च लैता ऐ। सूत्रें दस्सेआ जे हिरासत च लैते गेदे लोक इक ओवर ब्राउंड वर्कर दे परोआर आले न। ओवर ग्राउंड वर्कर पैहले थमां गै हिरासत च ऐ, इआं दस्सेआ जा'रदा ऐ जे इन्ने पिछले ब'रे कठुआ जिले दे बडनोट ग्रां च सेना दी कान्वाई पर होए दे हमले च शामिल आतंकवादिएं गी सहायता उपलब्ध करोआई ही। 23 मार्च थमां सुरक्षा कर्मि

आतंकवादिएं दी तपाष करा'रदे न। जेहड़ा मन्नेआ जा'रदा ऐ जे हीरानगर सेक्टर थमां अंतर्राष्ट्रीय बन्ना पार करियै इत्त भेठा आई बड़े।

Chilli

प्रधानमंत्री नरेन्द्र मोदी होर अज्ज चिल्ली दे राष्ट्रपति बोरिक हुंदे कन्नै मलाटी करगन ते भारत—चिल्ली सरबंधें दे व्यापक पैहलुएं उप्पर चर्चा करगन। राष्ट्रपति बोरिक अज्ज दपैहरी बोरिक होर राष्ट्रपति द्रौपदी मुर्मू हुंदे कन्नै बी मलाटी करगन, जेड़ियां उंदे सम्मान च धाम दा आयोजन करगन। उंदे कन्नै इक उच्च स्तरीय प्रतिनिधिमंडल बी औग जेहदे च मंत्री, संसद सदस्य, बपार संघ ते भारत चिल्ली सांस्कृतिक सरबंधें कन्नै जुड़े दे प्रमुख चिल्लीवासी शामिल होंगन। राष्ट्रपति दे रूपै च बोरिक हुंदी एह भारत दी पैहली यात्रा होग। राष्ट्रपति बोरिक 5 अप्रैल गी चिल्ली परतोने शा पैहले आगरा, मुंबई ते बेंगलुरु बी जांगन ते सियासत, बपार ते उद्योग कन्नै जुड़े दे प्रतिनिधिएं कन्नै मलाटी करगन।

LG-Saptrishi Calendar

उपराज्यपाल मनोज सिन्हा होर कल राजीवन च सप्तऋषि कलेंडर जारी कीता ते शारदा माता हुंदी मेज उप्पर रखने आली एलईडी—3डी मूर्ति थमां पर्दा बी गोआटेआ। उपराज्यपाल होर विष्व कष्पीरी समाज दे संयोजक श्री किरण वातल ते होरनी समाजी संस्थाएं गी इस मौके पर बधाई दिक्ती। विष्व कष्पीरी समाज दे सदस्यें सनें बक्ख—बक्ख क्षेत्रें थमां होरने मन्ने परमन्ने दे लोक जिंदे च डॉ. सुषील राजदान बी शामिल न इस मौके पर उत्थें मजूद हे।

Free Bus Service

मुख्यमंत्री उमर अब्दुल्ला होरें अज्ज दपैहरी ढाई बजे शेर—ए—कष्पीर सेंटर श्रीनगर थमां महिलाएं लेई मुफ्त बस सेवा दी शुरूआत करगन। इस गैह दा मकसद महिलाएं गी खित्ते च सुरक्षत ते सखल्ले यातायात सेवा उपलब्ध करोआना ऐ। एहदे कन्नैकम्मकाजी महिला, विद्यार्थिएं ते होरने दुइयां महिलाएं गी लाह होग।

Army Motivational

सेना आस्सेआ राजौरी दे मंदिर गाला च ओप्रेषन सद्भावना तैहत इक लैक्चर दा सरिस्ता कीता गेआ। एहदा मकसद युवाएं गी सेना च भर्ती होने दे लाह, सरकारी नौकरिएं, खेड्डें च बेहतर कारकरदगी ते जीवन गी बेहतर बनाने कन्नै जुड़े दे बक्ख—बक्ख पैहलुएं बारे जानकारी बनाना हा। एहदे राएं युवाएं गी इक मंच उपलब्ध होआ, सेना कर्मिं कन्नै गल्ल करने दा ते भविष्य दे बक्ख—बक्ख विकल्प ते मौके गी जानने दा।

e-Vehicle Pollution

केन्द्रीय शिडक ते ट्रांसपोर्ट मंत्री नितिन गडकरी होरें आखेआ जे मुख्य च ब्हाऊ दे प्रदूषण गी घट्ट करने दा इलैक्ट्रिक गडिडयां सब्बने शा बेहतरीन विकल्प न। गडकरी होर कल महाराष्ट्र दे थाणे च श्रीकांत बपत लैब इंडिया आस्सेआ ई—बाइसैकल दा उद्घाटन करा—रदे हे। उनें आखेआ ब्हाऊ दा प्रदूषण इसलै मुख्य च इक बड़्डी चुनौती ऐ, पर केन्द्र सरकार नै इसी खत्म करने दी जिम्मेदारी लेई लैती ऐ। उनें इस मौके पर एह बी आखेआ जे 2030 तगर भारत इलैक्ट्रिक गडिडएं दे उत्पादन आला सब्बने शा बड़्डा मुख्य बनी जाग ते औने आले समें च पेट्रोल, डीजल ते इलैक्ट्रिक कारें दी कीमतां उयै रौहगन।

IMD

भारतीय मौसम विभाग नै इस ब8रे अप्रैल कोला लेइयै जून म्हीने दरान मुल्खे दे केई हिस्सें च बद्धोबद्ध तापमान सामान्य कोला उप्पर रौहने दी पेगगोई कीती ऐ। मैहकमे दे डरैक्टर जनरल मृत्युजय मोहापाषा होरें आखेआ ऐ जे इस अवधि दरान मते होर इलाकें च घट्टोघट्ट तापमान बी सामान्य कोला उप्पर रौहने दी संभावना ऐ। उनें आखेआ जे अप्रैल थमां जून तगर मुल्खे दे उत्तर ते पूर्वी क्षेत्र दे केइं हिस्सें च मध्य भारत ते उत्तर-पच्छिम भारत दे मैदानी इलाकें च लूह चलने आले जबरदस्त गर्मी कन्नै 2 जां 4 दिन बद्ध होंगन। डॉ. मोहापात्तरा होरें आखेआ जे आम तौरा पर भारत च बड़ी मती गर्मी आले 4 शा 7 हीटवेव दिन हुंदे न। इस बारी चलने आले इनें दिनें च बाद्धा होई सकदा ऐ। उनें एह बी आखेआ जे इस ब'रे अप्रैल म्हीने च बरखा दे आसार सामान्य न। इस बारे होर मती जानकारी दिंदे होई भारत मौसम विभाग दे डरैक्टर जनरल मृत्युजय माहापात्तरा होरें आखेआ.

Ramban Food

खाद्य सुरक्षा मैहकमे आस्सेआ रामबन जिला प्रशासन दे सैहयोग कन्नै निरीक्षण ते जागरूकता अभियानें दा सरिस्ता कीता गेआ। एहृदा मकसद खाद्य सुरक्षा ते म्यारी चीजां बस्तां जकीनी करना हा। मैहकमे आस्सेआ लोकें गी सुरक्षत ते सेई म्यारी ते गुणवत्ता आली चीज गी खरीदने ते खाने लेई गलाया। मैहकमे आस्सेआ उपभोक्ताएं गी बक्ख-बक्ख पैहलुएं बारे जानकार बनाया गेआ। एहृदे कन्नो कन्नी उनें दुकानदारें गी आखेआ जे ओह जरूरी चीजें दे म्यार गी बनाई रखन तां जे उंदे खलाफ कारवाई नेई होए। रामबन दे खाद्य सुरक्षा अधिकारी बलबीर सिंह होरें आखेआ.

Homage To Indo-Pak

70 ब'रें शा बद्ध उमरी दे रटैर ब्रिगेडियर सुखवीर सिंह मलिक होरें 1971 भारत पाकिस्तान युद्ध च शहीद होए दे उंदे साथी सेकेन्ड जेपिटनेंट अषोक प्रहलाद राव मुतगीकर होरें गी जम्मू जिले दी मढ़ तैहसील दे गजनसू गां च लेपिटनेंट अषोक हुंदे स्मारक पर जाइयै उनेंगी श्रद्धांजलि दित्ती ते दऊं मिंटें दा मौन बी रखेआ। सुखबीर सिंह मलिक होर हरियाणा थमां अपने पूरे परोआर कन्नै आए दे हे। इस मौके पर साढ़े संवाददाता कन्नै गल्ल करदे होई उनें दस्सेआ जे ओह ते लेपिटनेंट अषोक होरें इक्कै आर्मी यूनिट च हे।

लेपिटनेंट अषोक बारे दस्सदे होई उनें गलाया जे उनें बड़ी निककी उमरी च गै देसे लेई सर्वोच्च बलिदान दित्ता। उंदी दलेरी दृढ़ संकल्प ते राष्ट्र लेई उंदा समर्पन इक मिसाल ऐ जेहड़ा औपे आली पीढ़िएं गी प्रेरित करदा रौहग।